



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel IX. Dat P. Nicolaes dubbel Martlaer is.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

ghen ende te bewaren de principaelste goeden die alleen op-rechte goeden zijn / al watter anders goet woꝝdt ghenoeint / als de saecken al-soo ghelegghen zijn / verliesen ende selue van ons werpen sullen. Maer dese Chyristelycke ende heplighe / ende naer Godt gheschickte wysheꝝdt / is den wijlen mensche van deser werelꝝdt onbekent / iae dat meer te beclagghen is / sy woꝝdt van hen begeert / ende als een enckele dwaesheꝝdt veracht ende verstootten / niet merckende noch verstaende als sy sulchs doen / ende al-soo aue-recht inde saecken ordeelen / dat sy niet alleen soo vele dupsenden Martelaers / maer oock het hoofdt der Martelaren onsen Heere Chyristum inde selfste mis-daedt willen trecken / ende ouersulchs soo wel Chyristum als allen de Martelaers beroouen van hunnen behoorzlycken lof deur hunne passien ende stryden.

CAPITTEL IX.

Dat P. Nicolaes dubbel Martelaer is.

Fullen wy dan P. Nicolaes Dieck deur gheen Martelaer houden? Iae wy / segghe ick / ende oock dubbel Martelaer. Want wilt-dy de pijn aen-sien / twee-mael is hy metten strop ghewoꝝght / op-ghehanghen / twee-mael heeft hy de pyenen des doodts verdraghen / twee-mael heeft hy soo vele als aen hem loghe de doodt gheleden. Want de doodt die hy ten Ziel heeft ghelmaecht / hadde hy te Gorcom te veuren gheproeft / tot dien eynde alleenelyck deur Godts ghehenghenisse in't leuen bewaert / op dat hy sijn broeders inden periculeusen strydt soude verstercken ende deur sijn seluen een dubbel croone vercryghen van Gode. Wilt-dy aen-sien de oorzaecke des lydens / ghy sult hem van deser

deser sijden oock vryelijck eenen dubbelt Martelaer
 mogen noemē. Want de getrouwighepdt tot Gode
 was de eene oorlaecke die hy ghemeyn hadde mette
 andere/ de andere hem epgen toe-comende de ghe-
 trouwighepdt tot sijn mede-broeders / aende wel-
 ke hy met een onschepdelijcke liefde gebonden zyn-
 de en heeft gheent-sins willen laten gheschieden/ dat
 hy inde doot soude af-gaen die hy in't leuen hadde
 bemint : hebbende hier in den Heere naer-gevolght/
 102. 13. de welke als hy de sijne lief hadde gehad/ heeft hy-
 se totten eynde toe lief gehad. Want niet alleen en
 heeft hy met sijn broeders/maer oock veur sijn broe-
 ders naer het exempel des-selks Saligh-makers sijn
 siele ghestelt : de welke hy daer-om niet en heeft
 willen af-gaen / op dat sy van hunnen herder verla-
 ten ende den woluen gheleuert niet en soude verlozen
 gaen. De oorlaecke dan van steruen heeft hy ghe-
 hadt / eerst veur de religie / op dat hy de selue verraden
 hebbende niet en soude verlozen gaen : ten ande-
 ren de liefde / op dat ter wijlen hy sy-seluen soude
 beminnen ende sy-seluen bewaren / de andere niet
 en souden verlozen gaen / wiens salighepdt van
 Gode hem te bewaren ghegheuen was. Ende wat
 hebt-dy hier onse ghetuyghenisse van doen / ghe-
 merckt dat onse vanden selue in dese saecke ghetuy-
 ghen ende richters zijn? Want alle de ghene die on-
 der hen sekere kennisse van dese gheschiedenissen
 hebben ghecreghen / belijden upt eenen mondt / dat
 hy is gheweest / ghelijck sy-lieden spreken / de aller-
 herd-neckighste beschermmer van sijn opinie oft ghes-
 lintehepdt / maer ghelijck wy behooren te spreken /
 de aller-stantachtighste veur-vechter der waerachtig-
 gher religie. Want gheent-sins en can herd-neckig-
 hepdt maer stantachtighepdt gerekent wordē / eenen
 wil vol-herdende totten lesten adem toe in een goe-
 de

de saerke. Maer hen-lieden heeft in desen Martelaer mis-haeght / dat eer-tijds in't ghemeyn in alle Christene Martelaers beschuldicht hebben de vyanden des Christendoms / ende dat sy in hen-lieden met aller-hande tormenten hebben willen verbolghen: te weten hunne onbeweghelijcke stantachtighepdt inde belijdinghe des gheloofs / die sy nijdighelijck noemden te wesen een onbooghelijcke herdenckighhepdt. Maer sy wozen op / dat hy de doot niet ghestozuen en is deur de bevestinghe des gheloofs oft religie / maer alleenelijck daer-om / dat hy den Paus gheens-sins en heeft willen verslaeken. Met welck woordt deur-waer sy alle wijse verstandighe menschen ghenoech betuyghen en seker maeken / dat hy inder waerhepdt met eenen glorieusen strijdt ghestozuen is deur het Catholijck ghelooe / het welck bekent opder aerden eenen opperste stadt-houder Christi / den Paus van Roomen. Inder voeghen dat Godt hen-lieder ghetuyghenisse heeft ghekeert ende doen vallen op hun eyghen hoofd / dat daer sy de glorie des Martelaers mede meynde uyt te bliffen / de selue daer deur meer geboordert ende verclaert hebben.

CAPITTEL X.

Van den tijdt sijner martyrie, ende van sijn contrefeytsel.

P Nicolaes van heeft sijn martyrie vol-eyndt als hy noch ouer acht-en-dertigh iaeren niet oudt en was. Want wy hebben verstaen dat hy ghebooren is in't iaer onses Heeren 1534. den 29. Augusti. Sijn ghedaente naer d'leuen gheschildert (hoe wel dat ick die deur de aller-minste ghedenckenisse achte van al-sulcken man) wordt van my
 A wel